



Der Bartlmaeschreiner

Möbel-Stadl | Armin Krattenmacher GmbH Bartlmähle 82441 Ohlstadt / GAP
Tel. 08841 – 7244 Fax 08841 – 79094 info@bartlmaeschreiner.de

Türenlabyrinth







Der Bartlmäschreiner

Möbel = Stad 'l

Armin Krattenmacher GmbH Bartlmämühle D - 824 41 OHLSTADT / GAP
 Tel.-Nr. 0 88 41 / 72 44, Fax: 79094 ; Armin.K@live.de

Warum Türenlabyrinth – wie es entstanden ?

Es war a Architekt da und hat fia an Kunden Türen gsucht.

Da warn aba de Türen so inneranandverkeilt hinter de Anhänger gstanden, daß ma gar koane oschaugn hat kina. I hab zu eam gsagt, kemmanS in zwoa Wochen wieda , dann dua i de raus.

Beim rausdoan hab i de so higstellt, und hab mia denkt – wenn i de scho rausdua dann kann i de aa glei fotografiern, - aba da brauchst Platz, - und dann wohi ? dann hab i ogfangt de Türen aufn Parkplatz fiareztragn, und da hab i ma denkt, jetzt stell i de glei a bissal zam, - - - und - - - genau – da bau i glei a Türenlabyrinth.

wia i dann so de erste Hälfte ghabt hab, bin i ins Büro ganga, und hab gschaugt obs sowas übahaupts scho gibt - - nein - - und wie i fertig war und hab de Türen zählt, und nummeriert, dann hab i mia denkt – wer hat denn eigentlich bei uns ummananda so a große Türenaussstellung ? - hab ummanandatelefoniert – vor allem de – de wo sagn si ham de größte Türenaussstellung - und so kann i jetzt sagn daß i de größte Türenaussstellung südlich von München hab – mit meine über 100 Türen !!!!

Und so a große Vielfalt – da san koane drei Türen gleich - alle hams a andas Maß , a andane Holzart, oder san verschieden baut.

Da gibt's glatte Türen mit Gratleisten, aufgedoppelte, Rahmentüren, - ois Zimmer- Haustüren oder Nebeneingangstüren. Mit verschiedenste Glasausschnitten.

Da san ma dann zwoa Türen besonders aufgfoin, - de ham z.B. an größeren Lichtausschnitt wie de Füllungen unten – dh. da senkr. Rahmen is oben schmaler wie unten.

Da san so richtige Raritäten dabei – da kann ma sagn aus 3 Verschiedenen Jahrhunderten !!!!
 Verschiedene Oberflächen und verschiedene Beschläge –
 oiso a jede Tür einzigartig!!!

Ja in dem Labyrinth kann ma si so richtig verlauffa , - a wenn ma eigentlich durch de unterschiedlichsten Türen guade Anhaltspunkte hätt.

Heit samma glei no a paar Spiele dazua eigfoin. Jetzt is eh grad Ferienzeit – oiso warum ewig weit fortfaahrn, - da gibt's bei uns doch aa sovui zum oschaugn.

z.B. : wiavui Türen hat de Labyrinth ?
 wer hat am schnellsten de Türe 21 gfunden ?
 wer kann de am genauesten beschreiben ?
 wer is am schnellsten bei ana Tür mit 5 Füllungen ?
 wer is am schnellsten bei ana Tür mit 4 senkrechten Lichtausschnitten ?
 wiavui Türen sam mit Rahmen und Füllung gmacht ?
 wiavui Türen ham an Lichtausschnitt ?
 wiavui Haustüren san dabei ?
 wiavui Türen ham an Stock mit eibaut ?
 wiavui glatte Türen gibt's ?

und – no a bissal was schwereres :
 welche Türen san innen und außen verschieden?

10.08.2010KA

Oiso - aufgehts, kemmts, und schaugtses Eich o. Vui Spaß dabei wünscht da Armin Krattenmacher